

寧雅堂藏書

奧雅堂叢書

爾雅新義卷第六

宋陸佃撰

釋訓

蠢不遜也

大邦爲讎可謂不遜矣詩言蠻荆以不遜玁狁以匪茹匪茹無義不遜無禮

如切如磋道學也如琢如磨自修也

切磋者以彼利器修此而成爲器也琢磨者以彼不善攻此而成爲善也

瑟兮僩兮恂慄也赫兮烜兮威儀也

烜唐石經宋本郭注經典釋文皆从

火旁釋文云烜者光明宣著今竝作咠據釋文則今本从口者未是金石文字記以从火者爲誤非也

瑟兮僩兮抑也赫兮烜兮揚矣

有斐君子終不可諼兮

懷之如此其文章可得而聞故也

道盛德至善民之不能忘也

所謂盛德尙在可以頌之域

旣微且糲毳瘍爲微

六勝則九重陰勝則陽微

腫足爲𧈧

凡詩刺人言下美之言上旣微且𧈧螭首蛾眉顏如

渥丹之類是也

是刈是穫鑊煮之也

原本上穫字从禾下鑊字从金與唐石經宋本郭注陸氏釋文同注

疏本二字俱从水

后織立統其本在此蓋知稼穡之艱難可以爲王矣
知女功之勤勞可以爲王后矣

履帝武敏武迹也

武迹而已是豈其意哉故曰武未盡善也

敏姆也

張仲孝友

說者曰宣王使文武之才征伐與孝友之臣處內

善父母爲孝

善若烝烝乂不格姦

善兄弟爲友

據此父母師保也朋友兄弟也記曰主友之讎視兄弟兄之字从口言以口命幼而已若父然後有舉杖之事莊子曰兄則以嫗大親則已矣

有客宿宿言再宿也有客信信言四宿也

再宿曰信子路無宿諾進于人一等矣

美女爲媛美士爲彥

彥能厂下媛可以援下事人者以能厂爲美從人者以能援爲美

其虛其徐威儀容止也

儀可象容止則可觀焉

猗嗟名兮目上爲名式微式微者微乎微者也之子者是子也

徒御不驚輦者也

馬善驚輦而驚焉可謂敬慎矣

襁裼肉袒也

暴虎徒搏也馮河徒涉也

暴虎馮河小人之剛籛條戚施小人之柔

籛條口柔也

除不能俯遽也陳之籛條節矣卽設莞筵紛純無遽也

戚施面柔也

夸毗體柔也

婆娑舞也辟拊心也

舞斯辟故言舞而辟繼之

矜憐撫掩之也

老子曰寵爲下此之謂也

絨羔裘之縫也

絨卽絀也以爲它也故爲之域也凡絲一蠶所吐爲
忽人之所忽常在于此十忽爲絲可致思焉五絲爲
緝絲數漸著可聽而知也緝倍爲升所謂升數積此

而升之升倍爲緘所以英裘蓋用此數故曰緘羔裘之縫也

殿屎呬也

幬謂之帳

俯張誑也

俯則舟用張則弓用老子曰雖有舟輿無所乘之雖有甲兵無所陳之使民復結繩而用之

誰昔昔也

詩曰誰昔然矣言不知何昔如此若所謂振古振而

舉之

不辰不時也

子不爲時潛龍也已不爲時亢龍也

凡曲者爲瞿

有所畱則曲矣其謂之筭以此所謂狗苟亦以畱故也

鬼之爲言歸也

釋親第四

父爲考母爲妣

考能考而違之妣能比而從之春秋傳曰擇善而從曰比

父之考爲王父父之妣爲王母

不言祖王父嫌于不親三王家天下父老傳子子死而孫傳之所謂王父王母亦以此

王父之考爲曾祖王父王父之妣爲曾祖王母

不言曾王父母嫌于不尊

曾祖王父之考爲高祖王父曾祖王父之妣爲高祖王母

父之世父叔父爲從祖祖父父之世母叔母爲從祖祖母

父之舅弟先生爲世父後生爲叔父

父子曰世兄弟曰及世則葉之謂也及則花萼之謂也

男子先生爲兄後生爲弟

男子謂女子先生爲姊後生爲妹父之姊妹爲姑

曰言男子蓋引而進之也據女子謂兄之妻爲嫂弟之妻爲婦

父之從父兄弟爲從祖父

父之從父兄弟從父而別今父堂兄弟是也父之從祖兄弟從祖而別今父從兄弟是也

父之從祖兄弟爲族父

不言兄弟言兄弟言兄弟則有代之詞也

族父之子相謂爲族兄弟

族兄弟之子相謂爲親同姓

兄之子弟之子相謂爲從父兄弟

兄之子弟之子特言族兄弟之子累數親親之殺也

子之子爲孫

子又有子則于是當遜矣

孫之子爲曾孫

曾孫之子爲元孫

元有見之道而不見焉

元孫之子爲來孫

凡來在後不及見之名

來孫之子爲晁孫晁孫之子爲仍孫

晁孫後我仍孫仍我未改也雲孫九世矣于是爲盡

公羊傳曰遠祖幾世乎九世矣

仍孫之子爲雲孫

雲孫亦言至是眾多如雲郭氏謂玄者言親屬微昧
來言有往來之親雲言輕遠如浮雲其名孫如此而
世之庸妄人嗜利又欲以遺不知何人亦已惑矣

王父之姊妹爲王姑

曾祖王父之姊妹爲曾祖王姑

高祖王父之姊妹爲高祖王姑

父之從父姊妹爲從祖姑

父之從祖姊妹爲族祖姑

族父今父從兄弟族祖姑今父從姊妹于父之從祖
兄弟言族父于父之從祖姊妹言族祖姑主內以親
目外以遠也

父之從父兄弟之母爲從祖王母

父之從祖兄弟之母爲族祖王母

父之兄妻爲世母

父之弟妻爲叔母

父之從父兄弟之妻爲從祖母